

Ovdil ive 1996 vuáđudum suojâlemkuávlui laavah peividuvvojeh

Pirâsministeriö juátká luándusuojâlemlaavâ uđâsmitmân lohtâseijee valmâštállâm tarkkuumáin ovdil ive 1996 lavváin vuáđudum luándusuojâlemkuávlui ruttâdemnjuolgâdusâid. Ive 1996 maŋa vuáđudum aalmuglâšmeecij já lavváin vuáđudum suojâlemkuávlui uásild nubástusiävtuttâsah lijji ciälkkámušâst keessiv 2021. Taat nubbe uási suojâlemkuávlui ruttâdemnjuolgâdusâi peividmist kuáská 28 aalmuglâšmeccijd, puoh 19 luándumeccijd, suulân 130 jeegijsuojâlemkuávloid sehe oovce eres luándusuojâlemkuávloid.

Ovdil ive 1996 vuáđudum suojâlemkuávluh láá vuáđudum ive 1923 asâttum luándusuojâlemlaavâ ääigi, kuás suojâlemkuávlui ruttâdemnjuolgâdusah adeluvvojii sierâ asâttâsâin. Nubástussâin ruttâdemnjuolgâdusâid sirdeh asâttâsâin laavâ táásán. Asâttâsâi ruttâdemnjuolgâdusah láá uásild puárásmum já toi siskáldâs lii ereslágán suojâlemkuávlui kooská. Nubástus peividičij ruttâdemnjuolgâdusâid västidiđ uđđâ luándusuojâlemlaavâ já ohtâlistáčij sierâ aalmuglâš- já luándumeccijd kyeskee njuoigâdusâid, kuittâg tienuuvt, ete kuávloid kyeskee sierânâsnjuolgâdusah váldojeh huámmášumán.

Aalmuglâš- já luándumeecih, moh kuleh peividmân, láá oles Suomâ kuávlust. Jeegijsuojâlemkuávluh já eres lavváin vuáđudum luándusuojâlemkuávluh láá ienááš Laapi, Tave-Pohjanmaa já Kainuu eennâmkuudijn. Sämmilij päikkikuávlust láá jo-uv ollásávt tâi uásild Lemmee já Urho Kekkosii aalmuglâšmeecih, Malla, Kevo já Sompio luándumeecih sehe 14 jeegijsuojâlemkuávlud. Ohtsis peividemnâál laavah láá suulân kyehtlov.

Puárásumos laavah láá maŋgâi aalmuglâš- já luándumeecij vuáđđudmân kyeskee laavah iivijn 1938, 1956, 1964 já 1981. Eres peividemnâál laavah láá iivij 1982-1996 adelum laavah sierâ aalmuglâšmeecij vuáđđudmist, iivij 1981 já 1988 adelum laavah jeegijsuojâlemkuávlui vuáđđudmist sehe 1990-lovvoost adelum laavah eres luándusuojâlemkuávlui vuáđđudmist. Ive 1996 maŋa vuáđudum kuávluh kuleh uđđâ luándusuojâlemlavváin siämmáá olesvuotân já toid kyeskee laavah peividuvvojeh uđđâ luándusuojâlemlaavâ ooleest.

Lahâhaahâ álgá kiđđuv 2022 pirâsministeriö virgepargon já čonâsjuávhui kulâmijn. Haldâttâs iävtuttâs hammiittâs viggeh vuolgâttiđ ciälkkámušriggei keesi 2022, já haldâttâs iävtuttâs viggeh adeliđ ovdâskoodán skammâmáánust 2022. Ulmen lii, ete laavâi nubástusah puáđáččii vuáimán siämmáá ääigi uđđâ luándusuojâlemlavváin.

Lasetiäđuh:

Leila Suvantola

Lahâasâtemneuvos

p. 0295 250 433

leila.suvantola@gov.fi